



Ukuhlomisa izingane zethu
ngelikusasa

SS 3

**Isihloko sesifundo: UJesu oneminyaka eyishumi nambili ubudala
ethempelini**

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **UJesu oneminyaka eyishumi nambili ubudala ethempelini**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofa kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Kepha lesifundo singenziwa nangesikhathi esihambisana nenqubo yomndeni wakho. 2.3: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.4: Uyacelwa uthinte uThisha wakho wesikole sangeSonto uma udinga noma yiluphi usizo noma uma udinga ezinye izinsizakufunda kulezi ezingenhla. 2.5: Uma isifundo sesiphothuliwe nengane yakho, uyacelwa ukuba wazise Isikole sangeSonto ukuze kugcwaliswe irejista ku MIS.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba usethule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Isenzo
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se **SS 3** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	UJesu oneminyaka eyishumi nambili ubudala ethempelini
Umbhalo weBhayibheli	NgokukaLuka 2: 41-52
Inhloso yesifundo	Izingane ziyabona ukuthi uJesu uyiNdodana kaNkulunkulu.

Isifundo esifingqiwe:

- UJesu wakhulela edolobhaneni elincane laseNazareth eGalile kanye nonina uMariya noJosefa.
- Lapho uJesu eneminyaka eyishumi nambili, uMariya noJosefa bamyisa eJerusalema emkhosini wePhasika. UNkulunkulu wahlenga ama-Israyeli ebugqilini futhi wawakhulula, ngakho-ke minyaka yonke bebagubha lokhu kukhululwa futhi babonga uNkulunkulu ngakho. Kwakuwumkhosi weholide futhi izinkulungwane zabantu abavela ezweni lonke bezisedolobheni.
- Ekupheleni komkhosi, uMariya noJosefa bahamba nabanye abavela eGalile lapho sebuyela emuva ekhaya. Babecabanga ukuthi uJesu wayenomndeni wabo nabangane esixukwini kulohambo lokubuyela emuva.
- Ngalobo busuku uMariya noJosefa bakanekisa kodwa lapho befuna uJesu abamfumananga.
- Ngemuva kosesho ngokutatazela babona ukuthi uJesu wayengekho ezihlotsheni zabo noma kubangani. Masinyane basuka baya eJerusalema ukuyomfuna futhi bahlola ngokufunisisa umuzi izinsuku ezintathu.
- Sebemfunisisile, bangena ethempelini, bambona ngokungazelelwe. UJesu wayehleli nabafundisi bomthetho kaNkulunkulu, ebalalele futhi ebabuza.
- Labo ababelalele uJesu bamangala ngemibuzo ayibuza nangezimpendulo ayezinikeza.
- “Ndodana, usenzeleni okunje na?” kubuza uMariya. “Bheka mina noyihlo besikufuna silusizi”
- “Kukanjani beningifunelani na?” Kubuza uJesu. “Beningazi yini ukuthi kumelwe ukuba ngibe sendlini kaBaba waMi, ngenza lokho afuna ngikwenze na?” UMariya noJosefa abakuzwanga lokho ayekusho.
- UJesu wabuyela eNazareth nabazali bakhe futhi wabalalela. UMariya wazigcina zonke lezi zinto enhliziyweni yakhe futhi uJesu wakhula emzimbeni nasekuhlakanipheni, wazuza umusa kuNkulunkulu nakubantu.

Ingabe sisho ukuthini lesisifundo kithina namhlanje na?

- Ukuhlakanipha kukaNkulunkulu kwakukuJesu. Wayekwazi ukuphendula yonke imibuzo, ngoba Yena wayemazi ngokweqiniso uBaba waKhe waseZulwini.
- UJesu wadonseleka ethempelini futhi wezwa esondele kuYise waseZulwini ngesikhathi elapho. UJesu wazi ngemvelaphi yaKhe yobunkulunkulu ngesikhathi kuxoxwa ngoNkulunkulu ethempelini. UyiNdodana kaNkulunkulu ethunyelwe ukuhlenga isintu.
- Singabantwana bakaNkulunkulu. Siphinde futhi sithole ithuba lokusondela kuNkulunkulu lapho sizwa izwi laKhe ezinkonzweni ezingcwele nasekuvakasheleni imindeni nalapho sithandaza.



Khumbula ukuthi uJesu uyiNdodana kaNkulunkulu futhi kufanele silandele isibonelo saKhe ukuze sihlale sisondele kuBaba wethu waseZulwini ngomkhuleko nangokuya ezinkonzweni ezingcwele.

Eminye imibuzo esingayibuza:

1. Ingabe kungani uMariya, uJosefa noJesu baya eJerusalema na?

Impendulo: Babehambela emkhosini wePhasika

2. Ingabe bekenzani uJesu ethempelini ngenkathi abazali baKhe bemfumana na?

Impendulo: Wayehleli nothisha bomthetho kaNkulunkulu, ebalalele futhi ebuza imibuzo. Wayiphendula imibuzo yaKhe ngokukhalipha.

3. Ingabe kungani uJesu waya ethempelini na?

Impendulo: Wayezizwa esondelene noNkulunkulu uma elapho futhi wayazi ukuthi wayeyiNdodana kaNkulunkulu ethunyelwe ebantwini.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen